

萊州府志



萊州府志序

古者小史掌邦國之志外  
史掌四方之志而志以名  
迨扶風作輿地志汝陽著  
風俗通於是郡邑仿之始  
各自為志標一方之梗槩

萊州府志

卷首序

焉此輜軒君子所資以攷  
山川稽戶口驗人物高下  
政治得失而諗謠俗之貞  
淫者也其所係顧不重哉  
萊故有志勦脩於明太守  
胡公越七十年太守龍公

繼脩之又百餘年我朝海寧陳公為守復增輯之時為康熙壬辰距今又三十年矣其間因草損益文物典章宜見於志者莫可殫述及今纂集勢猶差易

倘任其放佚廢墜異日者網羅於簡編殘闕之餘訛謬相承魯魚莫辨其孰從而徵信之余是以不揆庸鄙汲汲焉有事茲役也願從來脩志者必選地設局

徵請里中宿儒或別郡名  
流搯不律而從事當是時  
非不赫然稱盛舉然而黃  
緣請託瞻徇愛憎徃徃書  
一出而謠詠隨之求其文  
直事核卓然可以傳信者

恒不數覲焉余盖有鑒於  
此不開局不延友惟與同  
里趙君徵文考獻互相商  
榷趙君聲武余外弟端雅  
君子也用屬以編摩之任  
而決擇去取則惟內斷一

心舊志之精當者仍之靡  
襍者汰之正其訛補其闕  
凡星野災祥山川里社丁  
賦學校祀典兵防以及政  
教人文之類靡間鉅細無  
不攷核增訂讐校再三而

於忠孝節烈之事尤兢兢  
乎三致意焉庶幾一方之  
梗槩瞭如指掌或足備輶  
軒之採矣乎第余自癸丑  
蒞萊雖復歷有年所而聞  
見難周蒐羅未盡實之此

邦人士未必無不醇不脩  
之譏願惟矢公矢慎矯積  
弊而空之事主乎核文主  
子直此則區區之心差堪  
自信者爾是書草創於戊  
午首春尋以遷秩巡行郡

縣僕僕車塵馬足間至已  
未春仲始克告成會皖中  
張君繼余守萊余與君有  
通門之好雅知其通經術  
而嫻習吏治暇日示以此  
書謂可傳信力請付梓

喜其有同志而能相與有成也爰屬為更定而授之賜進士出身中憲大夫分守登萊青整飭海防道副使前萊州府知府常熟嚴有禧撰

萊州府志

卷首序

六



登萊青... 出良中憲大夫分守... 登萊青... 出良中憲大夫分守... 登萊青... 出良中憲大夫分守...

新修萊州府志序

和邑之有志尚矣古者公侯之地不  
過百里又有鄉三人大夫五人士二  
十七人相與翊贊其治不勞而成後  
世一縣之地大者百餘里令丞簿尉  
才三數人加以遷徙易置不常厥居  
始至其地貿然不知東西若非按圖  
經攷記傳奚以知其山川疆理亭障  
斥堠之險易膠庠廨舍壇壝禱祀之  
地賦役兵甲之數田農水利之所宜  
與夫剛柔燥溼貞淫習俗之變而施  
其教由是言之志之所繫豈不重哉  
我

國家

列聖相承重熙累洽疆域之盛度越前古

世宗憲皇帝垂念郡邑之治遠近劇易猶有

未得其宜者於是酌繁簡正封域  
置守令務合厥中又命各省纂修通  
志彙爲成書藏於冊府今

皇上御極以來加惠元元擢賢良慎守物  
類經史修三禮其於阜民成俗之事  
尤致意焉萊之爲郡在東海之隅先  
是

憲副虞山嚴公實守是邦

萊州府志

序

二

公爲人中正敏果仁而愛人其爲政首  
在肅綱紀貞百度威行加之以恩奸  
宄屏服民用大和

天子嘉之晉秩憲副而余以庸虛遣承

公後暇日

公謂余曰萊有志繁冗無當欲修之久  
矣以郡多務未暇今幸得少閒吾爲  
若定之何如於是刪其繁蕪補其罅


公漏不數月而志成余受而讀之喟然  
天子歎曰人之志量相越豈不遠哉晚近  
士夫以遷轉易置之不常類多傳舍  
其官其爲治也急簿書而已於他百  
務顧未暇以舉暇矣而意所不屬亦  
未有毅然成之者節縣書牘其山川  
公在郡五六年旣已百廢具興而猶拳  
拳於一志之未成必踐其言於旣去  
之後於以見

公之才與志爲何如而豈世之所易及  
歟後之守是邦者讀是書觀其山川  
民物鉅細具陳何異世守其官而習  
其事於以施其政教協和吏民以欽  
承

天子之德意是亦

公之志也夫爰拜手而爲之序


乾隆五年歲次庚申季春月中憲大  
夫山東萊州府知府桐城張桐譔



萊州府志

序

四



天子之山東萊州府知府桐城張桐譔  
公誠直正平忠義與庚申季春月中憲大

東萊爲山左僻郡而北臨滄海有萬壑朝宗之勝又有學  
河諸山水環拱於西南故鍾靈毓秀與諸郡無少異志之  
可缺也所繫甚重矣自明萬歷三十一年太守龍公修後宮  
今百有餘年天運之否泰岐谷之變遷人事之盛衰得失茫  
無可考卽前志鈇板或殘缺失次其存者又多磨滅不可復  
辨不及今編輯後之人不致慨於文獻之無徵耶余承之以  
一來其始固不敢以末學陋識妄膺紀載之任旣復自思幸世  
際休隆河清海晏

聖天子加意右文車書一統之盛網不載表微彰隱之典無不  
萊州府志

卷首 舊志序例

舉則博考典制蒐羅遺軼以備一郡之掌故固守土之責  
是以不揣固陋或尋諸斷碣殘碑或採諸前達文集或索古  
蹟於名山或咨軼事於耆舊自辛卯夏檄下州縣廣求文獻  
數月間草藁畧備復祇承大中丞蔣公之命以爲陳立經紀  
考稽禮樂修舉廢墜尤當表彰忠孝節義以爲正人心風俗  
之本遂於案牘之暇殫心斯志迨今秋遷秩謝事後復留數  
月詳愼系酌稿經屢易有仍前志之舊者有一二損益釐定  
者有續前志所未載者皆網羅舊聞折衷經史事必究其原  
委地必詳其始末人必核其初終綱分十二曰方輿曰建置  
曰職役曰學校曰兵防曰封建曰職官曰名宦曰選舉曰文

物自藝文日聞見方輿之目九建置之目十三賦役之目  
學校之目七兵防之目六封建之目二職官之目一名宦之  
目二選舉之目八人物之目十二藝文之目四聞見之目四  
爲卷凡十有二就正觀察甘公加以裁定有相得益彰之  
而搜羅纂輯則闕里孔東塘北海劉滄嵐兩先生之力是冬  
自夏迄冬經歷三時前刷告竣余始於滅杪言歸自憫茲舉  
之急就勿克久留較訂以免踈陋之譏也篇猶幸大略之不  
湮沒以待後之筆削或可諒余衷也抑余更有冀焉志中亦  
載海濱廣斥潮水所至五穀不生歷時久而曠地漸沃當思  
何以招徠而耕墾之聽訟不如無訟爲善彼君以相稱浸趨

萊州府志

卷前舊志序例

二

於喬詰鷲鷲者何以啟爨而馴伏之古郡守表率一方若毛  
公之本詩教以達政揚公之清淳四知孔公之虛懷下士其  
芳踪不迄今可邇乎掖令宗公事業與日月爭光今日捧檄  
佩綬能追蹤其一否也東萊人物錯見於二十一史代有  
英賢近世名公鉅卿山林隱逸且與史書所載先後輝映郡  
邑人士與後之蒞茲土者欲步武古人乎蓋於是志焉觀之  
康熙壬辰冬十月海寧陳謙序

一志乘因乎史傳史傳因乎三代之禮損之益之賴有文獻  
一在若文獻不足雖聖人復起無從徵之矣乘志成於前萬曆  
一之癸卯距今一百一十年中值鼎革頻罹兵燹所爲故老遺

聞者湮沒已久今欲續而修之殆非冥搜擬撰可以補  
之缺畧必採輯屬邑諸志以彙於大成庶幾力省功倍之  
也孰意附郭之掖縣先已無志他州縣雖有新志亦止詳於  
近代若鼎詳舊事而不存一不存已就其存者存之而闕者  
亦聽其闕而已蓋本邑修志之時必與其鄉老里大夫極力  
搜羅以成盛舉尙不免有遺墜勢已無可如何今修府志欲  
奢其更增焉必不得之數也但於掖縣之全無志者或考之  
輜籍或錄之神版或訪之父老獲什一於千百勉爾卒事豈  
良苦已一舊志分八卷有目無綱而所謂目者又多參錯  
如封建職官乃在星野疆域之前是未有郡而先設官矣如  
城池宮室與選舉人物相雜封贈將材與兵防屯田相雜忠  
義仙釋與古蹟墳墓相雜既不分門又不從類隨意編錄殊  
乖體裁今分爲十二綱每綱一卷綱舉目張各從其類庶便  
於檢閱矣 一屬縣諸志止高密昌邑二志有綱有目高密  
志十卷其中有祭儀一卷甚可取法惜列其目而畧其儀注  
至於古蹟景物祠廟陵墓祥異皆志之正文也而乃入雜稽  
門殊不可解若昌邑志八卷其首多天文一卷乃以祥異氣  
候實之似亦未確又以古蹟流禹陵墓仙釋寺觀入雜述門  
亦猶夫高密之見也今效其綱目而別分門類 一風俗物  
產他志不入方輿內古蹟寺觀他志不入建置內倉儲胥

鹽課海運他志不入賦役內然風俗出於里社物產異也

川未嘗非方輿也古蹟本前人之規模寺觀亦異教之流也

未嘗非建置也若倉儲海運固糧糈之正務胥徒鹽課乃若

調之大端未嘗非賦役也卒皆附之則一志有祭儀尊聖禮

神守土之重事也若無籍可稽但憑採吏之指點儀旣不給

物亦不備草率畢事隕越實多卒俱依會典條例詳列節次

以便遵行一賢宮射圃未嘗非建置也舊志皆別立學校

一門亦寓崇重儒術之意今俱仍之而又以學田禮器書院

附其後一兵防一志舊皆附於職官之末而所謂徭所等

並不詳列未免挂漏况前代設立衛所皆有專城與州縣錯

萊州府志

卷首

舊志片例

四

置有民人有土地有社設學校居然一邑也而乃置而不論

是遺朝廷之疆域矣今特爲一志而凡係於兵防者附之

一分茅胙土國有大小之封綰綬分符位有尊卑之等皆王

朝之夾輔士民之具瞻也志封建載其土田之世守焉志職

官名宦表其功德之顯著焉旣存懷古之思復示景行之則

一選舉人物雖分兩志實皆一郡之人材也天爵人爵各

有優長耳至於隱逸流寓方術仙釋旣顯於當時傳於後世

必非恒流舊志別附卷末不今仍入人物志內而列女亦附焉

一古今賢章已載祀典其生平事蹟各詳本傳仍遵舊志

身事兩朝者不書間有通志所載者附之一歷代典謨

語亦文章也特標王言冠藝文之首 一詩文諸類必  
之名賢今之才士或處或寄或宦或遊或紀其時地或咏其  
風物實有關於民之利弊有資於士之興感者乃選而錄之  
不然舊志雖載亦在必刪 一時賢著作不登於碑版不見  
於編集無從購借統俟後之續刻至題無與萊志者例不注  
載 一左圖右史以便檢閱也今依舊志東萊星野山川城  
池各繪圖於首而其詳仍載各志之本條 一史書有表有  
譜編年紀事縱橫列之亦便讀之法也今但於郡縣沿革附  
之封建職官各詳於志不必表列 一志以表前賢發潛德  
現今建牙握篆者遵奉

萊州府志

卷首舊志序例

五

綸音不敢作卷衣大車之頌若郡邑名賢方當建樹之時勳業  
雖隆謹援任志生人不立傳之例未敢贊一詞也

欽定四庫全書

不登舊志雖非本序例

風物實有關於民之利弊

之各賢今之才士

詩文諸類必

紀葛盧根牟通志入之萊郡沿革內今考春秋葛盧介君

紀在壽光根牟在安邱 宣城伯禰永康侯嗣通志入之

郡祠廟內今考二祠俱在登州 卓茂王密舊志入之萊郡

宦蹟內今考漢書卓茂爲密令乃河南密縣王密爲高密

乃竟別金鄉縣漢時昌邑縣也 鄧禹舊志入名宦內今考

禹封高密侯非官萊也 魏鸞淳于朗舊志入宦蹟內今考

二人在萊無政績 鄭道昭父子魏齊諸史謂相繼爲刺史

刺史兗州南小山有道昭宇刻述祖昆之流涕今考道昭父

子實相繼刺光州天柱山刻鄭父子銘而萊城南十五里高

萊州府志

卷首前志考異

一

望山巔道昭石刻宛然在焉 王真通志舊志皆入名宦今

考真平妖賊宜入武功 管邴李劉諸人所居舊在萊屬今

割屬青登矣不宜仍載 孫崧孫嵩孫賓碩通志舊志似三

人皆入萊郡人物今考漢書孫崧卽孫嵩字賓碩安邱人

王烈通志舊志以爲北海人今考漢書太原人 劉休賓通

志舊志皆入人物內今考南北諸史休賓先任宋爲顯官後

以妻子故降魏大節不足取故除之 北海王詳濰縣志以

爲姓王名詳考魏史北海王名詳魏宗室也本拓跋氏 王

景通志舊志皆入人物內今考景歷事四姓大節不足亦不

宜取 童信王麟舊志皆入人物內今考二人俱遼東武弁

徐文通志舊志以為南北朝人今考金史文先為趙宋臣  
後降劉豫又仕金 崔世榮平度志以為元人今考世榮為  
定海判官定海軍金所置旋自金廢則世榮金人也 蔡相  
塚平度志未載考齊乘有之今俱為改正

萊州府志

卷首 列志考異



與志未詳齊乘亦之今其為更五  
其後四百餘年金初得孤自金魏國世樂金人也  
平度志又其金 崔世榮平度志以為元人今考世榮為  
徐文通志以為趙宋臣

志序跋凡例

夫郡之有志蓋所用植教維風匪細典也吾朶固在海濱  
提封千里冠蓋比跡祖宗二百餘年教化翔洽文物斌斌庶  
起山以東稱名郡矣而志可少哉當歲辛丑今憲使龍公來  
守吾郡問志蓋嘉靖中郡守朗公創修迄今業七十年所靡  
有嗣其燬者而俗化推移一切幾於散失則慨然欲增修之  
顧其時海上多故方蒿日弗遑再闢歲既殫精畢力庶役次  
第底績度其儲餘猶可爲志舉也迺開館局更新義例檄所  
部各採故實以屬不佞燿暨董大理公裁正焉不佞繼一受  
簡輒有先君大故而大理長才偉負方銳意著作不難獨力

萊州府志

卷首 前志序跋凡例

一

肩之於是盡發羣書集諸生四五輩以資檢閱而躬自讎校  
間以疑質不佞龍公亦時時枉車騎問勞相抵掌揚挖今昔  
蓋匪直七十年間採掇靡遺繫自有志以來數百載緣習之  
誤咸一一釐正務可信可傳其用意亦勤矣自春徂冬八閱  
月而志成廼手以示不佞曰此其事在往牒而其義則基竊  
取者也亦足以備一郡之典稱龍公指乎不佞受而卒業程  
然有當於心獨慨風會之流而莫之輓也竊於身先衆庶者  
有厚望焉議者或謂志以識事烏用有所譏評不佞以爲不  
然蓋郡之志猶國之史也史無嫩刺焉用史爲故志旣識其  
而於是非取舍之際尤必衡以大義未始緣情毀譽

之覽者有所觀擇以不昧所從此史氏遺意亦維持風教  
一機也胡甯廢哉龍公聞而善之謂不佞叨與始事因督  
之序命再至爲序如此若其損益將有後之君子不佞何  
知已鄙人趙耀序

後志嘉靖乙未歲所修甚簡確蓋其時毛文簡公所高直者  
道有存者然其今七十年七十年來萊事多堙沒不  
郡守吉州龍公奮然修之以屬趙中丞公謬以余佐焉中丞  
博雅端亮余忻忻謂秦越天盟可成一方鉅典矣顧無幾秦  
闕中丞公忽遭對翁之戚余以寡昧漫事掇拾雖時從中  
苦次奉窾音乃中丞往往稱荒迷不欲大有斤削不佞亦僅

萊州府志

卷首 前志序跋凡例

二

以伎倆所至成之大都體裁竊取別郡志善本事求其核不  
敢爲耳食故志所臚列人品稍正其訛者一秉於公論毫  
敢私至夫文之鄙俚庶幾免於勝質矣萬曆癸卯臘月十日  
董基跋

不佞治萊無狀不能博赫赫名然每致慨於得失之林古今  
之際也河山無改頓爾有風景之殊國何藉二千石爲東萊  
於古亦八輔一大都會也先是吏茲土者與于大夫之生於  
鄉者賢哲之踵相望入齒爲芬非若荒邱之固陋而阻於景  
行也若乃上著物宜居然上游利病相禪慶興相待剛柔相  
盪可按局覆耳不佞始來鹿萊時問俗父老界余懷伯世

高鋤苑幕杜密之威撫桑嘉王成之風式遏追張

康成之遺教則經術可興履平仲之故墟則爽塏增悅

伎一行作守吏覺懷古之情更深開念前志草創比

於是禮謁都御史趙公大理董公二公者博雅君子也

新格掃故牘而更之得若干卷不佞敬在下風夫士

察鄙陳事物并而袞斧軼苦心而裁之俾來者安

共尊典刑期各不詭先民而止不亦善乎又

一艷麗拾寶篆之英華使畸人狹爲勝場墨卿耀爲

或曰子之稱斯役也無乃名乎曰我惟不好名也而

一我而名也則塗飾足矣且是志之先子不見夫驚

萊州府志

卷首

前志序跋凡例

三

年之間芳醜易位惟夫無以名爲者而乃以承名子謂我何

求耶新志旣成會文明遑拜新命奉璽書稱使者治兵海上

戒行舉觴屬二公曰不佞之於東萊也鼠飲河而蚊負山櫛

揀髮而炊數米今之責視昔倍有鉅已昏且拮据以聽後之

雖黃謂是老於萊者而几案間如是如是史氏又將操不律

從事焉則不佞按志滋悚矣萬歷癸卯仲冬月七日吉州龍

文明謹跋

一郡志創修遍考通志通考左傳國語國策一統志山海經

水經注齊乘方輿勝覽天下名山勝蹟記二十一史管子晏

子風俗通及近時

諸書並毛文簡公各州縣書志

以薦紳父老家言信信者則書而疑疑者則俟後人

一作志以司馬遷爲準故畧做十表作沿革諸表做八書

星野諸志做列傳作名臣等傳又做本紀作大事記紀古今

大事據事直書善惡曰見在志傳後者一方之事不敢顯然

擬帝紀也卷末爲典籍藝文若卷端刻諸圖則欲開卷使手

里提封如對也 一名山大川凡經見者悉書而後以俗名

者皆改正 一郡有濬泉各道前後更置不一舊志所無今

入職官表傳內如古刺史節度使之例但會置本府者方入

一他處科目有原籍係郡人者俱查入郡子墳墓但載古

墓及近代都御史以上者 一名臣悉採近代 諸書

萊州府志

卷首 前志序跋凡例

四

一惟卓然名世者入之 下此入人物內俟後日公論 一列傳

一所序諸賢必蓋棺論定 郡人則生平無媿職官則功德不泯

者方入 若見存於世卽一時聞人亦不敢私褒一語 一忠

義武功紀郡人附職官者以類從也 一武職舊志甚畧今

入兵防內參遊守備俱載指揮以下惟載員數 一孝義節

烈無的據不書懼不公也必死乃書其行始完也 一山川

寺觀廨宇祠院其碑碣詩文惟名筆古雅可傳者入之近時


蕪陋俱削不錄 一曲籍但係乘人及遊宦於萊者所著所

刻中有可錄俱載 一文藝但涉於萊佳者俱載其有闕世

道風土及可考輿章可尋往蹟者卽文不雅馴亦錄不立附

北

星野圖




西

東

萊州府志

萊州府總圖

卷首圖



王徐寨

南易

嶺提馬


東至萊陽水

嶺提馬

石湖

營山


三山島



萊州府志

卷首圖

東




萊州府志

卷首圖

掖縣圖

東至黃縣界



西

三

北至海

南至平

平度州圖


萊州府志

卷首圖

西至平度界

海寇巡司

四



大澤山

北至掖縣界

登州山

音山

雲山

音山

海廟

海廟

龍潭

馬舖

山狗跡

關帝廟

先農壇

東至萊陽界

西至平度界

社稷壇

聖水光

東嶽廟

六山

五山

福山

川壇

巴壇

遊慶山

遊慶山

馬舖

馬舖

陽關橋

觀音廟

金鏡山

查左廟

海寇巡司

新河

馬舖

馬舖

馬舖

馬舖  
沙白舖  
沙白舖  
真舖

南

石

北至海

昌邑縣圖


萊州府志

卷首

東至平度界

西至巨野界

五



北至

維縣圖


萊州府志

卷七 邑界

東至昌邑界

西至濰縣界


六



萊州府志

膠州圖

卷首圖



萬壽山

真武廟

教場

石橋

八蜡廟

北平河鎮

馬王臺

沈版舖

田家舖

萬壽山



總舖

龍王廟

古和

府君廟

西平河舖

北平河

小清河

山孫

山西

山黃

山九

山鼓

鹿臺

蒲臺

黃島

島家薛

黃島

山黃

小珠山

山蜈

二河場

海廟

八蜡廟

天姥廟

范滄墓

范石河舖

于墓舖

范河舖西


河東舖

小谷

新舖

下平舖





萊州府志

高密縣圖

卷首圖

東至膠州界

西至高密界

北至平度界

北至平度界

馬店舖

金舖

屬

舖總司

城隍廟

普濟堂

社稷壇

行舖

泉茶舖

朱郭舖

城木馬

鹽舖

牛家庄舖

官車神廟

山椒鐵

秦州

瓦

西奔

山松

寨夏河

界城諸

郭泊

學舖

姜家庄舖

龍

龍

近仙觀

張魯河

山羊白

大呂舖

要要舖

光復壇

聖廟

普濟堂

五龍廟

廣濟廟

廣濟廟

漢武廳


王手山

界城諸至南

萊州府志

卷首圖

九





萊州府志

卷首圖

東



萊州府志

膠萊河圖

卷首圖

東

西

十



北



蒙州府志


卷首圖


膠萊河圖

東

西

十二






萊州府志

卷首圖

東海廟圖



萊州府志



卷首圖

東

西

十四

天澤山圖





萊州府志

卷首圖

東 西

十五




萊州府志

卷首

圖

丁六



南

一郡之有志也紀事纂言上供國史採錄下備一方專以信今傳後爲主故參考羣書徵求文獻信則書疑則核母濫寧樸母華范蔚宗有言略存減益多證前聞之權輿也

一萊志經龍陳兩公相繼纂修龍志精嚴陳志詳博茲編據以損益折衷者也內凡徵引兩志處龍曰前陳曰舊以別之

一舊志分十二綱而以目繫之亦結構之一法第事有前後物有古今強以類從不免凌獵倒置之病茲直以目爲次

萊州府志

卷首 凡例

或分叙或合纂各有脈絡經緯於其中闕之井然

一山川內土阜支流沿近世俗名者皆削去膠萊河爲元人海遡故道河跡久湮石礁林立故累朝議開不果然不可不略存其槩以備考仍照前志附見於後

一賦役舊志太繁數目亦多舛錯今攷國初以來更定正額及近年衛所分併細數俱按賦役全書核筭編之餘從畧

一學校首載黌宮次列社學書院以類從也至射圃雖係古制而遺趾湮沒無存不敢附會載入其餘建置廢典及舊存今圯者皆註明全志倣此

一壇廟凡載在祀典者彙爲一冊餘列寺觀中至於先賢祠或士民所瞻仰或後進所矜式有其舉之莫敢廢也並條附於後若夫升降拜跪之文祝史主之且非萊郡所獨故不復載

一衛所舊列兵防內今雍正十二年靈山衛裁隸膠州鰲山衛雄崖所浮山所裁隸卽墨縣其因革原委詳大事記餘散見各條

一武職舊志甚略無從追考惟查康熙壬辰以後副叅遊守姓氏列兵防內餘載員數而已至營制及兵數新額俱焯通志編人又海洋近分內外界址總叙一則附海汛後

萊州府志

卷首

一封建詳者史書惟食采受封於萊地者載之其餘附會者皆不書若子孫已分封他郡亦總叙世系不復疏列

一職官選舉凡有傳者旁註從畧舊本氏名籍貫訛漏處甚多今俱訂正其疑而無攷者仍闕之

一前志人物外別有名臣一目舊志則以勳業政績區其等差細按之均非精當不易今統以人物名之惟確可類見者仍次其目如舊有舊志雖載而實非萊產或人無足取者皆削之至如節烈之女志行可哀故自漢迄今皆採錄罕遺以奉旌者居剩餘以先節後烈爲次卽未敢悉錄久符者亦附誌一二以彰潛德

言之無文行而不遠故藝文一帙雅馴者錄之冗濫者  
之或文不足取而事可傳則附見其畧若無與萊志者文  
雖工不錄今仍照兩志以王言居首疏表以下類輯之

一 大事記事闕國家而位置獨後者前志所謂一方之事不  
敢顯然擬帝紀耳其餘可喜可愕事不一類者皆雜志卷  
末

一 傳以表微無論職官人物非論定之後例不立傳至時賢  
著作得見者甚少殊媿蒐羅未盡請俟後之載筆者

萊州府志

卷首凡例

一 萊州府志卷首凡例

一 萊州府志卷首凡例

一 萊州府志卷首凡例

一 萊州府志卷首凡例

一 萊州府志卷首凡例

一 萊州府志卷首凡例

不志姓氏

纂修

分守登萊青海防道副使前萊州府知府 嚴有禪

增修

萊州府知府 張桐

分輯

掖縣知府 熊銓

平度州知府 陳時賢

昌邑縣知府 王國正

昌邑縣知府 周來部

萊州府志

卷首 修志姓氏

濰縣知府 毛韶芳

濰縣知府 賴光表

膠州知府 陳端

高密縣知府 王文鼎

高密縣知府 薩學天

即墨縣知府 孫鑄文

即墨縣知府 王純

採輯

掖縣儒學教諭 焦宏年

掖縣儒學訓導 張肅

平度州 儒學 學正 張之鉅

昌邑縣 儒學 教諭 連科

濰縣 儒學 教諭 王大壯

膠州 儒學 學正 郭士泰

膠州 儒學 訓導 焦應年

高密縣 儒學 教諭 李奕烈

高密縣 儒學 訓導 楊嵩年

即墨縣 儒學 訓導 趙叔樞

校閱

即墨縣 副榜 貢生 馮文价

萊州府志 卷首 修志姓氏

分校

掖縣 儒學 生員 王紳

掖縣 儒學 生員 楊來

掖縣 儒學 生員 張學禮

沿華東萊郡舊志稱南北朝劉宋改隸青州按東萊自漢迄  
晉皆隸青州非劉宋時又從別州改隸也惟晉爲東萊國  
其時仍改爲郡耳

山川孤山凡山雷鼓山兩志俱稱在濰縣今據青州府志孤  
山凡山在昌樂境內雷鼓山在諸城境內細按地界亦與  
濰不屬第濰濰邑形勝或有孤山晚照一景凡山爲大于  
河發源雷鼓山爲白狼河發源遂並列三山之名殊嫌附  
會

古蹟燕臺在府城北相傳南燕慕容德所築舊志云考南燕  
萊州府志

卷首 訂誤

一

慕容德居廣固今陝西成固縣不知何以築此或是遼東  
慕容廆耳按方輿勝覽廣固城爲曹魏所築有大澗甚廣  
依以爲固因名廣固卽今青州府益都縣綱目隆安三年  
南燕王德階廣固渤海太守封孚出降德曰孤得青州不  
爲喜喜得卿耳又通鑑載劉裕破德子超兵於臨朐遂圍  
廣固後裕旣擒超廢廣固別築東陽城留羊穆之爲青州  
刺史據青州府志廣固廢城在府城西北八里堯山之陽  
若陝西成固何由在青州部中耶居陝西者乃西燕慕容  
冲非德也又考慕容廆王遼之時青州正曹魏所據何緣

別築臺駁語遂無一合

封建舊志視前較詳然其中尚有考載未的者如劇原侯  
劇魁侯黑平的侯強臨胸侯農軼侯息樂望侯光羊石侯  
回石鄉侯理新城侯根上鄉侯歛樂陽侯獲成鄉侯安平  
望侯毅斟鄉侯威考前後漢書皆北海齊郡屬邑其時與  
東萊並爲郡國未嘗食采於萊不應撫入又如婁敬王成  
封關內侯薛祿封陽武侯尤與萊郡封爵無涉也

陵墓柘欄將軍墓舊志載入高密按傳將軍膠西人有遺嗣  
在膠州名勝志云山東膠州有柘欄將軍廟據州志墓在  
州治北三十里柘欄社而密志不書其爲誤載無疑又華

萊州府志

卷首 詩誤

二

時人前後互異皆臆說也按卽墨高宣宮前碑碣尙存稱  
爲元人考金史仙釋甄樓真初訪道於牛山華蓋先生則  
眞人道行於金而卒於元當爲近之

宦業舊志鄭道昭傳後云考魏齊時改東萊郡爲光州按北  
史乃以光州領東萊郡

人物兩志俱有訛舛處有本非萊人而誤刻者如劉寵平  
人今登之寧海州管寧郡原朱虛人今青之臨胸陳船東  
濰澤人今江西之都昌有先本萊人而占籍他郡者如臨  
淄之晏謨婺州之呂祖謙德州之程紹業有載之列傳而  
僅書官闕一行者如五代之呂夢奇宋之王俊民至流寓

尤屬混載如伯夷居冒樂之山趙岐隱安邱之市仲連之  
逃第稱海上田橫居島本屬故土王烈太史慈皆避亂遼  
東劉休賓以下數人或徙居或占籍均未可以流寓概之  
若毛鏞乃擢進士官於膠占籍平度始終皆萊人而列之  
流寓尤亡謂也

藝文歐文忠所撰蔡公行狀舊志改名曰傳而點竄其文敢  
是支離如改契丹爲大遼尤不妥永叔宋人也文中安得  
有大遼字末雖節去謹狀二字而結束數語仍不類傳體  
母乃多此一香輟輯其餘詩文刪改處甚多顏介云觀天  
下書未遍何敢妄下雌黃量篤論也

萊州府志

卷首訂誤

三

祥異宋寧宗條兩志皆書鹵犯光州按光州元魏皇興中置  
隋初罷郡仍改爲萊州歷唐及宋並未更置此仍書光州  
者誤

大事記統一郡而言舊志樂以通首事入之殊乖體例至謂  
免天下錢糧之數史冊自能大書之奚必繫之萊志耶

萊州府志目錄

卷一

地理

星野

沿革

疆域

形勢

山川 海運膠萊河附

古蹟

卷二

城池

萊州府志

卷首

公廨

鄉社

風俗

物產

市集

橋梁

堤堰

卷三

賦稅 鹽課雜稅附

倉儲

郵養

卷四

學校 學田社學  
書院附

祀典

卷五

兵防 武職  
附

驛遞

卷六

封建

職官

萊州府志

卷七

選舉 武科將  
材附

卷八

封廕

坊表

陵墓

寺觀

卷九

宦蹟

卷十

卷首目錄



人物上

卷十一

人物中

卷十二

人物下

卷十三

藝文上

卷十四

藝文中

卷十五

萊州府志

藝文下

卷十六

大事記

祥異

雜記

卷首目錄

萊州府志卷之一

星野

列宿分野見於周禮左傳甘石諸書其間亦有不可曉者如吳越南而星紀在丑齊東而立枵在子魯東而降婁在戌秦西而鶉首在未趙北而大梁在酉方位都參差不合先儒亦迄無定論惟唐一行有山河兩界之說度為近之然天道微渺恐終非推測所能盡耳

按東萊之域為青為徐其國為齊為魯其星為虛為危為婁為胃其次為立枵為降婁其宮為寶瓶為白羊其辰在子在戌其律中黃鐘中無射其次有應脩載天文諸書不具載

萊州府志

卷一 星野

女虛危在子元枵之次齊分野

晋天文志曰北海入虛九度東萊入危九度唐天文志曰虛危立枵也今考萊州屬邑曰掖曰濰曰昌邑其分野為齊隸

青州

奎婁胃在戌降婁之次魯分野

晋天文志曰高密入婁一度城陽入婁九度膠東入胃一度唐天文志曰奎婁降婁也今考萊州屬邑曰高密曰膠曰平度曰卽墨其分野為魯隸徐州

宋兩朝天文志曰虛二星距南星去極一百度半危三星距南星去極九十六度婁三星距中星去極七十五度半胃



星距西南星去極六十七度半

萊州府志

卷一 星野



沿革

萊自三代以來夷於夏國於周郡於秦漢自時厥後屹  
東方巨鎮矣顧累朝之稱名不一旁邑之隸屬無常湖  
革源流表而出之庶令好古者無滋聚訟焉

萊州府沿革表

總部

郡國州府

州縣

唐虞青

夏青過

商周青

春秋齊萊濰

萊州府志

卷一

沿革

密淳于

鄆介州

戰國齊

秦

漢青州部

東萊郡

掖平度曲成

當利

北海郡

淳于平壽都昌

膠東國

卽墨下密壯武

高密國

高密夷安

萊州部

瑯邪郡

不其掖黔陬

後漢青州部

東萊郡

計斤 高陽 旱虞  
長廣

曲城 掖 當利

長廣 黔陬 不其

北海國

平壽 都昌 淳于

高密 夷安 膠東

卽墨 壯武 下密

晉 青州部

東萊國

掖 當利 曲城

濟南郡

平壽 下密 膠東

卽墨

燕州府志

卷一 沿革

城陽郡

淳于 高密 壯武

黔陬 夷安

北海郡

都昌

長廣郡

不其 長廣

南宋青州部

東萊郡

曲成 掖 當利

北海郡

都昌 膠東 卽墨

下密 平壽

高密郡

黔陬 淳于 高密

夷安

長廣郡

不其 長廣

北魏青州郡

北海郡

沂密 都昌

平壽

光州部

東萊郡

掖 曲成

長廣郡

即墨 不其 當利

平昌郡

淳于

膠州部

高密郡

高密 黔陬 夷安

隋

青州部

東萊郡

掖 膠水 即墨

北海郡

都昌 北海 下密

高密郡

高密 膠西

萊州府志

卷一 沿革

三

唐

河南道

萊州東萊郡

掖 膠水 即墨

青州北海郡

北海

密州高密郡

高密

宋

京東東路

萊州

掖 膠水 即墨

密州

高密 膠西

濰州

北海 昌邑

金

山東東路

萊州

掖 即墨 膠水

密州

高密 膠西

雜地

北海 昌邑

山東東西道

般陽路總管府萊州

掖 膠水

益都路總管府 濰州 北海 昌邑

膠州 高密 膠西

即墨

明 山東布政司 萊州府 掖 平度州 濰

昌邑 膠州 高密

即墨

國朝 山東省 萊州府 掖 平度州 濰

昌邑 膠州 高密

即墨

禹貢青州之域古萊地春秋時為萊子介州諸小國齊侯

萊州府志 卷一 沿革 四

遷萊子于郟在國之東始稱東萊戰國屬齊秦為齊郡東境

漢析置東萊郡治掖縣隸青州其餘地分屬北海膠東高密

諸郡國及徐州之邳邪郡東漢徙治黃縣大畧相因惟省膠

東高密入北海國而以邳邪之黔陬不其改屬東萊郡晉為

東萊國復治於掖及濟南城陽長廣諸郡皆隸青州南北朝

劉宋仍改為郡徙治曲成元魏皇興中分青州置光膠二州

以北海郡隸於青東萊長廣平昌三郡隸於光高密一郡隸

於膠東萊郡治於掖隋初罷郡改光州為萊州大業初廢州

為郡曰北海曰東萊曰高密仍隸於青州唐因之為萊州東

萊郡青州北海郡密州高密郡而總屬於河南道宋為萊濰

密三州屬京東路金於州置定海軍後廢定海仍爲州  
 益都府山東東路元初屬益都路元統五年屬淄萊路至元  
 二年屬般陽益都二路明洪武元年陞萊州爲府隸山東行  
 省領登州寧海二州掖萊陽招遠文登膠水棲霞黃福山人  
 縣六年割登州及所屬棲霞黃福三縣直隸行省留膠水屬  
 萊九年陞登州爲府割萊陽招遠寧海州文登以屬登乃割  
 青州昌邑濰州膠州卽墨高密以益萊始降濰州爲縣十九  
 年又陞膠水爲平度州以昌邑濰二縣爲屬凡領州二縣五  
 隸山東等處承宣布政使司

國朝屬山東省領州二縣五

萊州府志

卷一 沿革

五

掖縣沿革表

|       |      |    |    |    |
|-------|------|----|----|----|
| 光州部   | 東萊郡  | 掖  | 曲成 | 當利 |
| 南萊青州部 | 東萊郡  | 曲成 | 掖  | 當利 |
| 晉青州部  | 東萊國  | 掖  | 當利 | 曲成 |
| 後漢青州部 | 東萊郡  | 曲成 | 掖  | 當利 |
| 漢青州部  | 東萊郡  | 掖  | 曲成 | 當利 |
| 秦     | 齊郡東境 |    |    |    |
| 戰國齊   |      |    |    |    |
| 春秋齊   | 萊    |    |    |    |
| 總部    | 郡國州府 | 州縣 |    |    |

隋 青州部

東萊郡

掖

唐 河南

萊州東萊郡

掖

宋 京東東路

萊州

掖

金 山東東路

萊州

掖

元 山東東西道

般陽路總管府

掖

明 山東布政司

萊州府

掖

國朝 山東省

萊州府

掖

夏寒泥封子澆為過國漢置掖縣為東萊郡治以掖水出縣

東南寒同山故名東漢徙郡治於黃掖為屬縣晉為東萊國

都南北朝劉宋屬東萊郡元魏復為郡治置光州轄之取

萊州府志

卷一 沿革

六

內光水為名北齊以曲成當利二縣省入隋改為東萊郡

唐宋金萊州與東萊郡迭更皆以為倚郭元亦為萊州倚

明洪武初陞萊州為府仍附郭

國朝屬萊州府附郭

平度州沿革表

總部

郡國州府

州縣

春秋齊 萊

戰國齊

秦

齊郡東境

漢 青州部

東萊郡

後漢

青州郡

膠東侯國

平度

南宋青州郡

北海郡

膠東

北魏青州郡

北海郡

膠東

齊青州郡

長廣郡

長廣

周青州部

長廣郡

長廣

隋青州部

萊州

膠水

唐河南道

東萊郡

膠水

唐河南道

萊州府

膠水

膠東

萊州府志

卷一沿革

七

宋京東東路

萊州

膠水

金山東東路

萊州

膠水

元山東東西道

般陽路總管府膠水

明山東布政司

登州

膠水

萊州府

平度州

國朝山東省

萊州府

平度州

春秋萊子國地戰國屬齊漢置平度縣屬東萊郡後改置膠

東侯國以境西有膠水故名東漢為膠東縣屬北海國晉屬

齊南郡南北朝劉宋屬北海郡元魏因之齊廢膠東入

屬長廣郡後周徙郡治於長廣縣隋開皇三年郡廢改屬  
 萊州仁壽元年改長廣為膠水縣大業三年復屬東萊郡唐  
 武德初析置膠東縣皆屬萊州貞觀元年省膠東入天寶元  
 年復屬東萊郡宋金皆屬萊州元屬登州隸般陽路明洪武  
 初亦為膠水縣屬登州九年陞登州為府仍留縣隸萊州府  
 二十一年復陞為平度州屬萊州府領縣二濰昌邑

國朝屬萊州府

昌邑縣沿革表

總部

郡國州府

州縣

春秋齊 鄆 密

萊州府志

卷一 沿革

戰國齊

都昌 芙蓉

秦

齊郡東境

漢 青州部

北海郡

都昌

後漢 青州部

北海國

都昌

晉 青州部

齊郡

都昌 棘 二 都昌 邑

宋 青州部

北海郡

都昌

齊 青州部

北海郡

都昌

北齊 青州部

北海郡

都昌

隋 青州部

高陽郡

都昌

唐 青州部

北海郡

都昌

唐 河南道 青州北海郡 北海

宋 京東東路 濰州 昌邑

金 山東東路 濰州 昌邑

元 山東東西道 益都路總管府 昌邑

明 山東布政司 萊州府 平度州領昌邑

國朝 山東省 萊州府 昌邑縣

周郟城左傳莊公元年齊師遷紀于郟城卽此在齊爲都昌

又地名芙蓉景公以封晏平仲而不受齊七十二城之一濰

置都昌縣屬北海郡東漢改郡爲國縣仍爲屬晉屬齊郟後

屬北海郡南北朝劉宋爲北海郡治元魏因之後齊改屬

萊州府志 卷一 沿革 九

陽郡隋開皇初罷高陽爲濰州都昌屬如故大業二年州廢

復改屬北海郡唐廢入北海縣屬青州北海郡宋建隆三年

復置始改名昌邑屬北海軍乾德三年軍陞爲濰州縣仍爲

屬金元因之明洪武初隨州屬青州府九年改屬萊州府二

十一年改屬平度州隨州屬府如故

國朝屬萊州府

濰縣沿革表

總部

郡國州府

州縣

春秋齊 濰

國齊

|    |       |        |     |     |
|----|-------|--------|-----|-----|
| 漢  | 青州部   | 齊郡     | 北海郡 | 平壽  |
| 後漢 | 青州部   | 膠東國    | 下密  |     |
| 晉  | 青州部   | 北海國    | 平壽  | 下密  |
| 宋  | 青州部   | 濟南郡    | 平壽  | 下密  |
| 北魏 | 青州部   | 北海郡    | 平壽  | 下密  |
| 後齊 | 青州部   | 高陽郡    | 平壽  | 下密  |
| 隋  | 青州部   | 北海郡    | 北海  | 下密  |
| 唐  | 河南道   | 青州郡    | 北海  |     |
| 宋  | 京東東路  | 濰州     | 北海  |     |
| 金  | 山東東路  | 濰州     | 北海  |     |
| 元  | 山東東道  | 益都路總管府 | 濰州  | 北海  |
| 明  | 山東布政司 | 萊州府    | 平度州 | 領濰縣 |
| 國朝 | 山東省   | 萊州府    | 濰縣  |     |

卷一 沿革

列國屬齊秦屬齊郡漢屬青州為北海郡附郭平壽膠東國下密二縣地東漢併膠東入北海國二縣俱屬晉改屬濟南郡南北朝劉宋復屬北海郡元魏徙郡治平壽下密為屬後齊改郡曰高陽亦治平壽隋開皇初廢高陽郡省平壽入下密六年於魏膠東故城置濰水縣十六年於下密置濰州大

業初州廢改下密爲北海改濰水爲下密俱屬爲北海  
 武德二年復以北海下密屬濰州八年州廢省下密入北海  
 縣屬河南道青州北海郡宋建隆三年於縣置北海軍置昌  
 邑縣隸之乾德三年陞爲濰州領北海屬京東東路金復置  
 濰州領北海轄於山東東路元至元三年省昌樂入北海至  
 正間復置昌樂領縣三隸益都路明洪武元年省北海爲濰  
 州領昌邑縣屬青州府九年降州爲縣改隸萊州府二十一  
 年隸平度州

國朝屬萊州府

膠州沿革表

萊州府志

卷一 沿革

總部

郡國州府

州縣

春秋齊 介

戰國齊

秦

齊郡東境

漢 徐州部

瑯邪郡

黔陬

後漢 青州部

東萊郡

黔陬

晉 青州部

城陽郡

黔陬

南宋 青州部

高密郡

黔陬

北魏 膠州部

高密郡

黔陬

隋 青州部

高密郡

膠西

唐 河南道 密州高密郡 高密 板橋鎮

宋 京東東路 密州 高密 膠西 臨海軍

金 山東東路 密州 膠西 臨海軍

元 山東東西道 益都路總管府膠州 膠西

明 山東布政司 萊州府 膠州

國朝 山東省 萊州府 膠州

春秋為介國戰國屬齊漢置黔陬縣屬徐州部瑯邪郡文帝

分齊置膠西王國尋復為縣屬瑯邪如故東漢為侯國屬東

萊郡晉屬城陽郡南北朝劉宋為高密郡治元魏永安二年

始置膠州以境內膠水為名領高密郡黔陬縣屬隋開皇五

萊州府志 卷一 沿革 主

年高密郡廢改膠州為密州以統縣十六年析置膠西縣大

業初以黔陬省入膠西尋改州為高密郡統之唐改密州為

高密郡屬河南道武德六年省膠西入高密以其地為板橋

鎮宋元祐三年以板橋鎮復置膠西縣兼置臨海軍屬京東

東路密州金因之元至元二十二年於膠西縣置膠州領之

隸益都路領縣三膠西卽墨高密明洪武初省膠西為州屬

青州府九年改屬萊州府領縣二高密卽墨

國朝屬萊州府

高密縣沿革表

總部 郡國州府 州縣

春秋齊

淳于國

高密

戰國齊

齊郡東境

秦

青州郡

北海郡

淳于

漢

徐州郡

高密國

高密

夷安

後漢

青州郡

北海郡

淳于

高密

晉

青州郡

城陽郡

淳于

高密

夷安

南宋

青州郡

高密郡

淳于

高密

夷安

北魏

膠州郡

高密郡

淳于

高密

夷安

萊州府志

卷一

沿革

十三

隋

青州郡

高密郡

高密

唐

河南道

密州高密郡

高密

宋

京東東路

密州

高密

金

山東東路

密州

高密

元

山東東西道

益都路總管府

膠州

高密

明

山東布政司

萊州府

膠州領高密

國朝

山東省

萊州府

高密縣

齊景公封晏嬰食邑春秋為淳于公遷國戰國為齊地秦為

齊郡漢初仍為淳于屬北海郡尋以境內密水置高密又置

夷安屬齊國文帝十六年分封為膠西王國宣帝本始元年

齊郡漢初仍為淳于屬北海郡尋以境內密水置高密又置

夷安屬齊國文帝十六年分封為膠西王國宣帝本始元年

齊郡漢初仍為淳于屬北海郡尋以境內密水置高密又置

夷安屬齊國文帝十六年分封為膠西王國宣帝本始元年

齊郡漢初仍為淳于屬北海郡尋以境內密水置高密又置

夷安屬齊國文帝十六年分封為膠西王國宣帝本始元年

齊郡漢初仍為淳于屬北海郡尋以境內密水置高密又置

夷安屬齊國文帝十六年分封為膠西王國宣帝本始元年

史為高密國東漢國除屬北海郡今濰縣晉割屬城陽郡  
 北朝劉宋太始初屬高密郡今膠州元魏因之為郡治後齊  
 省夷安淳于二縣入隋復為高密郡縣仍屬焉後廢唐武德  
 三年復置屬密州六年省膠西縣入而徙縣治夷安故城宋  
 屬密州金因之元屬膠州明因之

國朝屬萊州府

卽墨縣沿革表

總部

郡國州府

州縣

春秋齊

戰國齊

萊州府志

卷一 沿革

秦

齊郡東境

卽墨

漢 青州部

膠東國

卽墨

徐州部

鄉邪郡

不其

後漢 青州部

東萊郡

不其

北海國

卽墨

晉 青州部

濟南郡

卽墨

城陽郡

壯武

長廣郡

不其

南宋 青州部

北海郡

卽墨

長廣郡

不其

疆域

萊地負山阻海晉書稱為四塞之國顧州縣割隸代各不同  
今按其疆域廣輪之數不足千里於齊猶中郛也然風流合  
行朝漢正如高屋而建甍水蒞茲土者撫輿圖而思惠  
其疆長之不及乎

青州府東西廣三百六十里南北表四百四十里東至登州  
府萊陽縣界一百八十里西至青州府昌樂縣界二百六十  
里南至青州府諸城縣界三百五十七里北至海九十里自  
本府驛路至山東省城七百里至京師一千六百里昌

萊州府志

卷一 疆域

一 里南至平度州界五十里北至海九十里

平度州城在府南一百里東至萊陽縣界七十七里西至昌邑

一 縣界七十八里南至膠州界七十里北至掖縣界五十里

昌邑縣城在平度州西北一百三十八里東至平度州界六十

里西至濰縣界四十里南至高密縣界一百二十里北至海

五十里

一 縣城在平度州西一百八十里東至昌邑縣界六十里西至

一 府一 縣縣界二十五里南至青州府安邱縣界六十里

一 府一 縣縣界九十里

一 十里東至即墨縣界三十里

縣界二十五里南至青州府諸城縣界七十里北至平度州界五十里

高密縣城在膠州西北五十里東至膠州界三十里西至安邱縣界七十里南至諸城縣界六十里北至平度州界四十里  
即墨縣城在膠州東一百里東至海一百二十里西至膠州界七十里南至海九十里北至平度州界八十里

膠州府志

卷

疆域

二



十四里南至海九十里北至平度州界八十里

膠州府志 疆域 卷二 即墨縣城在膠州東一百里東至海一百二十里西至膠州界七十里南至海九十里北至平度州界八十里

高密縣城在膠州西北五十里東至膠州界三十里西至安邱縣界七十里南至諸城縣界六十里北至平度州界四十里

即墨縣城在膠州東一百里東至海一百二十里西至膠州界七十里南至海九十里北至平度州界八十里

設險著於易象司險載在周官表裏山河實足壯郡國之  
豈得執在德不在險為定論乎萊雖山左僻郡而曉岩幽  
瀉渤汪洋形勢為東邦之冠威繼七稱為內屏青齊外控遼  
碣不虛也夫

萊州府

四塞之國負海之饒

晉書

土踈水濶山高海深

寰宇

記

山為勞澤名峯本大東小東之巨障水有膠萊故瀆乃南

海北海之通津淮于飛楫百貨遠通吳會下營挂席于艘直  
抵幽燕在省會為臂指之聯於輓輸有肘腋之用

通志 負海

瀉鹵其地瘠薄蠶穀少人民寡

元志

羅山巨其東濰水阻其

萊州府志

卷一 形勢

西神山距其南渤海枕其北

前通志

掖縣 百山作阻負海為雄萊墟式廓於齊封夜邑夙標於漢  
縣 通志 福山臨乎東海掖水接乎南陽 前通志 西有杲河之

阻北有山峯之秀

前志

平度州 大澤羣峰之拱峙沽尤二水之廻環貫地眷於登青

判河流於膠掖

通志

大澤羣峰雄峙其北沽尤二水環繞乎

南

前通志

沽尤距其東膠水帶其南西臨新河川原平曠北

據萊山峰巒拱揖三齊之左隱然一重鎮也

前志

三縣

虎山鳳阜鬱鬱環城膠水濰川溶溶入海車馬會青

道檣帆通遼碣之津

通志

青陸諸山接乎南膠濰泉水

經其北 前通志 南枕峽山北臨滄海岡植環抱羣峰屹立

齊之巨邑海隅之咽喉 前志

濰縣一居白狼丹水之中風泱泱而表海在塔嶺程符之北靈

靄靄以連山 通志 孤山峙其西南丹河維其左右 前通志 東

襟白狼西帶丹水南挹嶧山之秀北臨渤海之淵首陽程符

環峙左右野曠土腴北海之重鎮也 邑志

膠州 北滄膠河達漕艫於燕薊南凌滄海通商舶於吳閩星

羅列嶽之巖壁立長城之險 通志 南接珠山北環膠水 前通

志 大海環其東靈山峙其南西有鐵櫬之秀南有石耳之奇

四山圍繞地曠水清 州志

萊州府志

卷一 形勢

二

高密縣 五龍九穴水澤澄宏礪阜羊山林巒秀蔚 通志 九穴

五龍之抱流青山礪阜之壘嶂 前通志 東環膠河西阻濰水

南挹峻嶺北障古城 邑志

卽墨縣 勞山埒級於岱宗墨水滙流於滄海齊封傑壤漢密

巖城 通志 勞山勢壓乎岱宗墨水會歸於滄海 前通志 東

海岱南面華樓西襟高嶺北負羣山田單敗燕藉此險阻 邑

志

山川

傳曰山林藪澤足以脩財用則寶之萊郡多高山大川樵  
佃漁民既享其利而其峰巒之截巖島嶼之濼澗又令探幽  
者攬其勝槩往往徘徊不忍去洵所稱瀕海名區也哉雖然  
郭堯京有言志山水如志人物記其魁磊餘可畧也余故採  
其大者志於篇

掖縣

祿山 城西北五里峯嶺高峻北臨滄海 福山 在城西南與佳

山 城東有烈風暴雨之異上產溫石 高望山 城南十五里其 華架

山 城東優游山城西二十五里 大基山 城東二十里上有道士谷巖巉蒼翠

萊州府志

卷一 山川

鄭文公修真 寒洞 城東南十五里掖水出此俗名神山有

靈官琢神 仙石像四十九 雙山 城東十里 馬鞍山 城東南三十

於此共相連者別 黃山 城南四十里 崗山 城東四 單山 城北

名金山 軍山士山 鄭子埠 城北八里世傳 掖河 在城東

里土山 城西南六十里 蘇郭河 城東北二十里自石橋 上官河

寒同山 經城南折 蘇郭河 城東北二十里自石橋 夏印舖河

而西北入於海 小沽河 城東南五十一里經流 泉村河

發源上官社入海 沙江 入海 萬歲河 城東北三十里兩岸流沙長 泉村河

四十里由 白諸馬社 白沙河 城南三十里西 青龍泉 城東門外

源西北流入海 清洲 城西三里泉 五龍泉 城西三里泉 掖縣 城東三里濠下有一泉水亦甘美

中城東北十里石穴下

兩髻山 州東北十三里南山對峙如縮雙髻有雲石屋

十二里上 固山 州東十五里山甚險峻下有桃源洞與

有石屋 州北十八里漢 中相連洞中舉火固山出烟蓋通氣也

山公沙 州北二十五里有魯 嶺 文武山 州西十八

路大豁山 州北二十五里有魯 嶺 文武山 州西十八

勢聯 州北二十五里有魯 嶺 文武山 州西十八

屬 州北二十五里有魯 嶺 文武山 州西十八

產藥 州北二十五里有魯 嶺 文武山 州西十八

又名 州北二十五里有魯 嶺 文武山 州西十八

石山 州北二十五里有魯 嶺 文武山 州西十八

里絕 州北二十五里有魯 嶺 文武山 州西十八

立一 州北二十五里有魯 嶺 文武山 州西十八

州北 州北二十五里有魯 嶺 文武山 州西十八

里詳 州北二十五里有魯 嶺 文武山 州西十八

萊州府志 卷一 山川

亦產 州北六十里下有神 靈 墨山 州北六十里石色

茶 州北六十里下有神 靈 墨山 州北六十里石色

此紅山 州東六十里石脈赤色有樹 旗 窩 落葉山 州東北六

連三 州西七十里有 大澤山 州北七十里有 群峯

故址 州東六十里石脈赤色有樹 旗 窩 落葉山 州東北六

來峯 州東六十里石脈赤色有樹 旗 窩 落葉山 州東北六

聚景 州東六十里石脈赤色有樹 旗 窩 落葉山 州東北六

石天 州東六十里石脈赤色有樹 旗 窩 落葉山 州東北六

然泉 州東六十里石脈赤色有樹 旗 窩 落葉山 州東北六

百照 州東六十里石脈赤色有樹 旗 窩 落葉山 州東北六

聳秀 州東六十里石脈赤色有樹 旗 窩 落葉山 州東北六

花傳 州東六十里石脈赤色有樹 旗 窩 落葉山 州東北六

場河 州東六十里石脈赤色有樹 旗 窩 落葉山 州東北六

海石 州東六十里石脈赤色有樹 旗 窩 落葉山 州東北六

大澤 州東六十里石脈赤色有樹 旗 窩 落葉山 州東北六

石河 州東六十里石脈赤色有樹 旗 窩 落葉山 州東北六

州北五十里會海沽尤河將東八十里水有二大沽河海

沙河北流入海沽尤河將東八十里水有二大沽河海

皆南流經平度相合名清河經膠州東北六十里即膠河

膠西北六十里兩界入海左傳所謂沽尤以西卽此

也水色如膠故名齊記云膠水出於膠州之別名北

邁高密注游澤與張魯河合自澤北入新河經平度西北

至昌邑界北入海元時海運之故道也尚有海倉遺址

河州西北八十里由膠州東北三十里高密東北

州西一里與膠水下流合至平度西北由海倉入海

七里鄧紀河三十里龍王河州西四十里由海倉入海

花邑人官廉築書院其上名曰太泉聖水池州東十二里上有龍潭

密東北十五里相傳龍躍於此亦名龍潭激玉泉州西十八

以灌漑有古碑刻激玉泉三字已剝落黑虎泉在州東北

萊州府志 卷一 山川 三

膠水 膠水入

東山 縣東二里俗名東京埠上有文青山縣東南二十五里

數里上有廟宇甚古陸山縣南四十里漢封霍光為博陸侯

賜名霍山水經流其下峽山縣南九十里狀如伏虎上

侯山霍山有雲眼出雲卽雨又仙洞

數處皆石臼山在陸山之左兩山相映山巔有石臼凡

河游覽石臼山九相傳麻姑搗藥於此故名有仙姑池鳳凰

埠縣南三里長流埠縣南十五里延袤百密埠縣東三十里

以資灰遠塔兒埠縣南九十里西巖埠縣西二里又名西伯

埠縣西北十里低河縣西北二十里北流浮糠河縣西南二

海止接凌西下通  
張回河 縣南二 媒河 縣東四  
通膠水西嶺下有

伏石坑河 縣南八十里源出太  
小龍河 縣北二十里迺折  
孟

長河 縣北四十里俗傳宋  
芙蓉池 縣西北二十里有蓮  
子游

齊縣西北作陂 白龍泉 縣東南二十五里源出  
飲馬泉 縣東

皇東遊過此飲馬 聖水泉 池又名聖水池大罕洶之即兩

有順德 吳兒溝 縣東南二十里下  
洩水溝 縣東北二里秋水

洪武間王士儀開溝 鈴鐺溝 縣東南三十五里水

以洩之又名王老溝 流湍激中產圓不

淮系

程符山 縣西南二十里 黃山 縣西南四十里 塢山 縣東南五  
十里寰宇

萊州府志 卷一 山川

記云山形如塔又名源源山東 白狼河 在縣東門外源出諸  
丹河發源於此上有竇建德祠 城雷鼓山泉若車輪

西南流經城東二十步北流八十 東丹河 即澆水源自塔山  
里入海唐北海合竇琰引以灌田 下經縣東關北流

永安溝 小子河 縣西北流入自狼河 西丹河 縣西二十里一  
為澤

几山經昌樂西下流 寒亭河 縣東北三十里源出車流  
寧家

合東丹河東北入海 莊經與亭八十里入海  
溝河 縣南三十里源出柳溝南二里許 淮河 即淮水水經云

山經諸城安仰高密濰縣昌邑環繞三面東北入海漢書濰  
作淮故俗呼為淮河韓信伐齊夾濰水而陣囊沙斬龍且即

此渭水溪 避村釣於此遂以渭名東流入濰水 鹹水泉 縣東  
三十

里平地湧出來如海水旱禱多應 膏澗泉 縣東二十五里清  
立祠登池以祀龍神又名龍神泉 甚不竭旁有龍祠

金明昌崗土人以石甃 甜水井 在縣西南隅 永安澤 縣東北  
之口八角池禱雨輒應 水味甘適

又名永安湖周廻甚 臺底窪 縣北五十里俗名菱窪 城南窪  
黃多魚鳥蓮蒲之利 水草山積村民賴之

二三寸里不等是六七處漏地湧泉  
流數種蓮藕輩出可以為灌溉之利

艾山 州南三十五里東西二峯屹然對立如人兩耳  
為東西石耳西耳人跡罕到東耳巖巖孤聳旋繞

內有神廟古碧石壁可容百人西隅有天澤泉水出不竭  
旱不涸山西南曰陳山樹石七寶山小竹山東南曰白

山旗山鼓山皆 嶼崧山 州南三十里 小珠山 州南九十里  
此山之附麗也 里產礪石寺東峭石突出下出

嵐覆掩則雨候也其東有朝陽寺東峭石突出下出  
泉水極甘美土人品為第一泉齊乘云小珠錯水所出

椒山 州西南百一十里 山形盡兀高插雲窟峰頂一泉  
響冷侵人膠水發 大珠山 州南百二十里 又名玉泉山

源於此又名膠山 立萬仞勢壓群峰齊築長城  
止於此中有玉泉寺建消金元石闕為門一泉湧出送珠

幾名曰玉泉由石門折而東有獅子峰亂石嵯峨形狀皆異  
真石門 州西南百二十里 峭壁千仞蒼翠極目山

相對 麓有碧雲庵歲寒亭萬松鬱然清聲清澈 靈山  
萊州府志 卷一山川 五

州南百二十里大海之洋先日而曙先雲而徐山在靈山之  
兩稱靈境焉地多竹木州東南薛家島正東十里東方北

市將童男女數 封山 面臨海躋嶺一望浩瀚無際遠近島  
千會此入海 黃埠嶺 州西七里 迴車嶺 州西七里 雙嶺

歷歷可數遊者于此 黃埠嶺 州西七里 迴車嶺 州西七里 雙嶺  
候日出如蓬萊閣也 詳古蹟

七里有石河 州東七里 碧溝河 州北二十里 孝源河 州南  
雙女塚 州南三十里 名洋水源 雲河 州西南五里 源出辛置

洋河 州南三十里 名洋水源 雲河 州西南五里 源出辛置  
出鐵橫山東流入海 嶺東通唐家灣入海

里河 州南三里 車家河 州南十里 柘溝河 州南二 屯河 州西  
東流入海 五里

碧溝河 州西南 硯臺河 州南一 朱陽河 州南四十里 源出  
州西南三里 萊鹽東流入海 墨

水 州西南七里 源出九層嶺古名墨水又平度東北墨水出  
墨水南流膠州即墨界縣之北半里馬欄嶺亦出墨水合

淮涉水南流入 乾河 在州南百里 龍泉 州東南六十 濯硯泉  
海總一墨水也 州西北七 馬蹄泉 州東北五里 源出石孔狀 雙井 州西南

里詳古蹟 馬蹄泉 州東北五里 源出石孔狀 雙井 州西南  
若馬蹄土人引以溉田

東水甚甘冽沙并州南門外海洲中大旱不涸神泉井  
後水尤馬家濠州東南九十里明副使王獻議開膠萊新河  
清激鑿石爲濠以抵海灣避淮河口之險有藍出  
開馬家濠記

青島縣

小青山縣西北礪阜山縣西北五十里產王子山縣南五十里

芋埠縣南二十里巒勢峻聳相傳韓信破龍且時懸五龍河

二十里河有張魯河縣東二十五里又名張拒城河縣西二十里

五岐故名張魯河縣東二十五里又名張拒城河縣西二十里

即秀水河俗呼秀女河縣東二十五里又名張拒城河縣西二十里

源出王子山入九穴泊河縣東二十五里渠溝河縣西二十里

以殺灘水縣西二十五里小康河縣東二十五里墨水河縣西二十五里

河昌邑入五龍河縣西二十五里九穴泊縣西二十五里都泊縣東二十五里

新河縣東北脉湖縣北十里五龍膠河諸水俱匯於此遇旱

水泉縣西五里嶺之二立泉縣北七十里膠萊河之灘立春

俱入膠河

節墨縣

鏡谷山縣北半里高僅及丈壁石天井山縣東十五里上有

鐵旗山縣東三十里俗傳馬鞍山縣西三標山縣東南

秀拔石門山縣東三十里與華樓相峙山劈山縣東南三

旗如笊剪女姑山縣西南四十里有明堂遺址相傳漢武帝

一也又東有中祠山縣南三十里狀如城天柱山

寶山縣南三十里聳立不其山縣南二十里漢鄭元授教於此詳

萊州府志

卷一 山川

全界虎爲四舍山縣東四十里四峯峻起靈山北

馴故名如舍字惟一路可通靈山北

縣東南五十里北山獨立故名狼虎山縣南五十里青山縣東北五十里錢穀山北

北五十里其山雄險昔人運錢穀於陰山縣東南八十里

藏以避風又東北十里有米粟山縣南九十里浮峰山縣南九十里巔危峻雲常覆

老匙山俗傳高柴女墓攸此山浮峰山縣南九十里

芝華樓山縣東南八十里與勞山勞山縣東南六十里濱海

大勞差小者曰小勞二勞相聯高二十五里過八高吳齊

云泰山雖云高不如東海勢相聯高二十五里過八高吳齊

半盛山望蓬萊是也其上有三標山鶴山寶珠山迎仙嶼清

風嶺王喬巒凌煙嶼金剛峴虎嘯峯鳳凰峯獅子峯巨峯翠

屏巖仙巖碧落巖玉皇洞猶龍洞白龍湖華嚴湖明霞洞華

陽洞白雲洞夕陽澗松風口八仙墩王安盆南天門龍門上

苑聚仙臺黃不宮下清宮上清宮聚仙宮舞旗臺詳古蹟

太清宮上宮仙人橋張仙塔僧帽石諸勝詳古蹟

淮涉河在縣南發源石城山西南流經城西一里白沙河縣南

許又北流三里與墨水合復西流入海

西十里發源大勞山西石何頭河在縣西轉而南入海上人

流入海內產仙胎魚名北流者曰近西河南流

者曰遠西河其源有二五道泊河縣東四十里孟沙河由

自塔子奔來一自龍泉來龍化河入治河孟沙河由

縣西北四十里由長直河縣西北四十里那城河縣西五

水清溝入治河七及橋西入治河那城河縣西五

泊石橋北泉縣北五里待郎龍泉縣北二十里泉有二相距

南入海藍章疏以種蓮龍泉縣北二十里泉有二相距

淮湧山南流合渴掘泉縣東三里湯泉縣東三里平地

泉湧入海詳古蹟湯泉縣東三里平地

湯極縣南三十里黃石洞中溫泉縣東四十里水溫

熱縣南三十里黃石洞中溫泉縣東四十里水溫

人甃池夏月則金液泉縣南四十里

海萊郡兩河距海環掖縣昌邑濰縣界者爲北海環卽墨膠

青通諸城其間島嶼參差口岸闊西商船出入魚筏往來咸

假道焉茲取昌邑之大者錄之而附海運膠萊河議於後

萊州府志

卷一山川

西北海中遠望若野  
勝故者一名芙蓉島  
小石島  
掖縣西北海中每春夏開  
島

州東南六十里海中  
唐島  
天津各處漁船在此捕魚  
島

薛家島  
膠州東南九十里有明陽武侯薛祿  
古鎮島  
薛家島  
故里旁小島曰青泥  
森林穆子李家  
古鎮島

民鷄島  
牛島  
顧家島  
竹槎島  
小青島  
膠州南海中與  
靈山島

南五十里海中其旁有積穀香  
陰島  
即墨西九十里  
田

花塔沙嶼山車午白馬諸小島  
海中  
有居民  
田

即墨東百里海中齊田橫  
顏武島  
即墨北百  
管島  
即墨東

赤島  
徐福島  
勞公島  
車公島  
車門島  
女島  
島

子島  
白龍島  
龍口島  
張牙島  
青島  
以上  
即墨虎頭崖口

掖縣西北  
三山口  
掖縣北  
海倉口  
掖縣西北  
小石嘴口  
海

萊州府志 卷一 山川 八

廟口  
王徐口  
以上  
掖縣下營口  
昌邑北  
唐家灣口  
膠州南門外  
宋元時海船

往來皆  
淮子口  
膠州南八十里石礁林立  
行  
守風灣口  
膠州  
東上

由此  
凡船進淮子  
古鎮口  
膠州西南  
唐島口  
宋紹興中李寶敗  
全舟師於此殺其

將鄭  
靈山島口  
竹岔口  
黃島口  
頭營子口  
增埠頭

口  
以上  
董家灣口  
即墨南  
天井灣口  
即墨西南  
金家口  
即墨

四十  
宋家店口  
即墨南  
大任口  
即墨西南  
陳家芥口  
即墨東

徐家莊口  
即墨西南  
松林浦口  
即墨東南  
周疇口  
即墨東

宋灣口  
即墨東  
栲栳島口  
即墨東  
顏武島口  
即墨東  
青島

即墨東  
女姑口  
即墨西南  
登審口  
黃龍莊口  
嶼山口

一百里

海運膠萊河貯

海道經 元至元二十年克取江南二十一年起運海糧

清張瑄萬戶之職押運糧船三萬五千石賜立海道萬戶

府千戶所百戶所虎符銅牌素銀牌面各領品職成造船隻

大者不過千石小者三百石自劉家港開船出楊子江盤轉

黃連沙嘴望西北沿沙行使潮裏行船潮落拋泊約半月或

一月餘始至淮口經過膠州濰州浮山勞山福島等處沿山

一路東至延真島望北行使轉過成山望西行使到九洋收

進界河約兩月餘始抵直沽水路艱難深爲繁重二十六年

增益糧米八十萬石是歲正月裝糧在船二月開洋四月到

萊州府志

卷一 山川 海運

九

於直沽交卸五月回還復運夏糧至八月又回本港一歲兩

運是時船隻鮮少人民恐懼二十七年朱萬戶躬請長輿奉

福回朝奏押運指引自楊子江開洋落潮往東北行使出離

長灘至白水綠水經至黑水大洋望北尋望延真島使轉成

山正西行使流入沙門島開放萊州大洋收進界河遠不過

一月之期近不過半月之限俱至直沽以漕運利便是歲加

封朱萬戶爲浙江省叅政張萬戶爲浙江鹽運司都運之職

每歲專從此道駕使船赴北京將及三十餘年大德七年當

蒙官司招雇兩浙土戶造船運糧分撥春夏三運延祐以來

各運海船大者八九千石小者二千餘石是以海道宮盛成

進三百六十萬石供給京師甚爲易便迤南番海船皆  
道貢獻倣效其路矣明洪武三十年海運糧七十萬石給遼  
東軍餉永樂初海運糧七十萬石至北京十三年會通河開  
往來通利始罷海運云

海運正道 第一程自淮安府開船至八套口共計三百餘里  
係河道爲一程 第二程自八套口開船至鶯遊山共約二  
百四十里 第三程自鶯遊山起東北遠望瑯琊山前投齋  
堂島灣泊約四百里爲一次程島西向泥灘三里可容船百  
餘隻如船多島東北三十里有龍灣口可泊船二百餘隻中  
間所過水面東北濤落口約一百九十里又至夾倉口二十

萊州府志 卷一 山川 海運

十

里迴避望海石又東至石曰海口三十里迴避石曰欄胡家  
欄伏曲堯花欄又東至龍王口四十餘里迴避黃石欄又東  
至龍潭二十里可容船百餘隻又東至木瓜島二十餘里迴  
避胡家山以上堪灣泊海口五處應迴避七處俱用西南風  
迴避西北風 第四程自齋堂島等處開船正東由膠州靈  
山島東北遠望勞山前投福島灣泊其約二百餘里爲一大  
程此島方圓二十里西南有泥灘二里半可灣船六十隻如  
船多島迤西五十里董家灣濶大堪灣船三百餘隻中間所  
過水面東四十里回古鎮海口迴避海子嘴又東至靈嶼島  
五十里島西南嘴可容船二十隻迴避東北正東風島東北

鼓樓圈可容船十餘隻迴避正北西北風此處雖可容船不  
宜久住東北至唐島六十里可灣船二百餘隻避東風東北  
正北風迴避露明石卽准子口又東至小青島五十里避正  
北東北風又至董家灣六十里迴避捉馬嘴以上堪灣泊海  
口五處應迴避三處俱用西南風避西北正北東北風一第  
五程自福島開船東二十里迴避老君石遠望田橫島灣泊  
約一百五十里此島方圓三十里可容船二百餘隻如船多  
島東七十里可灣船二百餘隻中間所過水南東  
北由小管島六十里又東大管島十里又東至田橫島七十  
里以上堪灣泊二處迴避一處一第六程自田橫島開船遠  
萊州府志

望槎山前投元真島灣泊共約四百餘里島東西長五十里  
過北風灣南面遇東風灣北面可容船百餘隻東北岸下水  
底三孤石旁多隱石該迴避中間所過水南東十二里灣落  
灣又東至楊家溝三十里又東至草島嘴三十里又東至青  
島三十里又東至黃島三十里又東北至宮家島三十里又  
東徑過蘇島至元真島一百五十里以上灣泊六處迴避三  
處 第七程自元真島開船稍放洋行東轉杵島嘴北過成  
山頭西北望威海山前投劉公島灣泊一百四十餘里此島  
可容船六七十隻中間所過水南東至鏤錫島西頭李家圈  
三十里又東三里鹿島又東十五里又西北四十餘里養魚

浦又東北二十餘里黃埠嘴又東南一里廻避成山

七八里廻避殿東頭此二處極險須放洋遠避過此轉

餘里駱駝口圈裏東岸下可容船七八十隻又西三里

可容船二三十隻又西十五里柳奔海口避西北東北

風又西直至劉公島一百里廻避島東南礁石嘴又西四十

里衛東門口教場頭塢口可灣船四百餘隻避西北風以上

灣泊四處廻避三處 第八程自劉公島開船遠望芝罘島

灣泊共約二百餘里島東南長二十里可容船一百餘隻島

迤東三十餘里崆峒島前可容船二三十隻中間所過水面

遠西一百四十里養馬島避西北風又島西頭廻避煉石嘴

萊州府志

卷一

山川 海運

十二

又西北五十里係崆峒島又西三十里係芝罘島以上灣泊

三處廻避一處 第九程自芝罘島開船西六十里過龍洞

一崙西遠望長山島西頭沙門島灣泊共約二百八十里爲一

大程島東南汪厓圍二三里可容船一百餘隻避西北東北

正北風中間所過水面西六十里八角嘴又西五里廻避龍

洞嘴又西五十里廻避四石又一二里廻避劉家汪海口避四

一而風又西二十里廻避灣子口東北沙港又西二十里廻避

一抹立口金嘴礁石又西三里入新河海口卽登州水城廻避

觀音嘴石西北四十里廻避長山島東南嘴沙港又西十里

係沙門島以上灣泊三處廻避六處 第十程自沙門島

坤西南遠望三山島灣泊約二百餘里爲一大程中間  
水面南三十里廻避大石欄又西六十里桑島避東北西北  
正北風廻避島東北二處礁石又西避羊欄礁石又西十五  
里係三山島以上灣泊二處廻避四處 第十一程自三山  
島開船過芙蓉島直西投大青海口灣泊共約四百餘里此  
口可容船五十餘隻中間所過水面西五十餘里芙蓉島西  
南尚可容船四五十隻西五十餘里廻避虎頭崖與東北碎  
石又西五十餘里廻避海倉口椿木關石又西一百一十里  
係洱河口外有沙嶺船難進又西四十餘里係小清河船難  
進泊以上灣泊二處廻避三處還有三處小河口俱不堪灣

萊州府志

卷一 山川 海運

七

泊 第十二程自大清河開船投大沽河口約一百六十里  
此口可容船二百餘隻中間所過西三十里至大沙河口可  
容船一百五十隻廻避沙港一處又西一百二十餘里至大  
溝河口可容船一百餘隻又西北二十餘里至大沽河口以  
上灣泊二處廻避一處

海運程

運船自淮安府青江浦由淮河九十里至安東縣新

壩九十二里至欄頭山入二十里至安東衛三十里至夾倉  
二十八里至舊寨七十里至夏河所二十里至古鎮巡檢司東  
南轉大珠山東北行十五里至靈山衛二十里至馬家濠俱  
可避風沿岸行轉過解家島西行八十里過淮子口二十里

臨海北入麻灣口由丁家工入膠萊河行二百八十二里

灣口入北海十里至淮河口四十五里至魚兒浦十里至

清河二十里至米河十五里至小清河六十里至九衫廵

港南百五里至大居河五十里至徐家溝七十里至杞溝一

百里至小直沽一百二十里至丁字沽出海入大直沽河計

海運南自清江浦北至大直沽河共一千六百八十二里

開洋捷路 一自金山衛東海灘松江府上海縣望東南行過

羊山大七山小七山太倉寶塔望東北行兩日夜見黑水洋

南風一日見綠水瞭海內懸山一座便是元真島 一劉家

港出楊子江南岸迤西行半日到白茆港正東行至崇明縣

萊州府志

卷一 山川 海運

十四

江北有瞭角嘴開洋或正西西南北風潮落正東或帶北一

字行半日可過長灘是白水洋東北行見綠水一日見黑綠

水循黑綠水正北行好風兩日一夜到黑水洋又兩日夜見

北洋綠水又一日夜正北望顯神山半日見成山頭過成山

正西行前鷄鳴嶼內有浮礁避有夫人嶼不可行須到劉島

正西行到芝罘島東北有門可入自芝罘島好風半日過抹

直口在登州城東北五里新河海口到沙門島開洋北過砣

磯山東收旅順口

開馬濠工 元專仰海運以靈山之東浮山勞山北至於成山

西至於九臯大洋之險乃議開膠萊新河南自麻灣北至海

倉三百餘里出北海以避之然浮山之西有黃島嶼  
百數十里石巖林立橫據大洋若橋梁然尤爲險要  
西十里許連海涯處有平岡焉曰馬濠者南北幾五里元人  
嘗鑿之遇石而罷明海防道副使王獻議鑿馬濠以抵麻灣  
濬新河以出北海則舟楫可通乃相形度勢去元人之舊跡  
少西七尺許開之其始也土石相半其下則皆石也取彼巨  
石焚以烈火沃以水潦摧堅破頑化爲灰燼力不告殘形不  
知疲而石渠成矣蓋經始於嘉靖十六年丁酉正月之二十  
二日畢於四月二十二日鑿石成渠者一千三百餘步濬南  
北之灘積三千五百餘步潮汐日至護以木椿其爲濶六丈  
來州府志

卷一

山川

膠萊河

五

餘其爲梁半之海波流入宛若天成地列

開膠萊河工

新河南自麻灣北至海倉其間相距僅三百五

十里許麻灣把浪廟去官路口約十四五里水勢甚大而六

沽河屬之東入南海漂沙之患亦所不免此處須挽流而北

向方成大通第大沽河秋水泛漲極是洶湧恐爲河害北折

而王家口約三十里水勢勺停功半事就殊不爲難折而吳

家口至孫家口不足二十里水微小奏功頗難然以人力勝

之似亦無足慮者十餘里至分水嶺水至此幾絕流然無他

故實由二三百壅沙所致日久歲深旣無疏通之力寧免

壅澗之患此何足異且白河之水直來急衝漲濤波湧無怪

乎兩分分而壅對甚也議者有欲避天沾河山陳家有在營  
溝河徑上王家邱船路溝迤西而入大河者未爲無見也西  
折而亭口等處三十里水亦微小須賴人工挑修沙壅土塞  
濬之可也崖岸衝潰補之可也迺至大城等處約二十餘里  
水雖微亦不爲難至雙廟至亢家集水勢漸大卽加疏濬費  
方幾何北至玉皇廟楊家園張家閘新河其間寬窄淺深不  
一河大勢已成河水有一二尺深者有三四尺深者實易爲  
力縱費人工不過補幫窋淺之力耳獨海倉之壅沙從來所  
苦但沙隨潮出入而船行亦借潮往來况海潮朝夕一定信  
不爽者沙非堅石何足爲慮至若借潮一說北潮迤南動以

百里計此每年所親見而習知者至若南潮聞亦不下五七  
十里况近數年來夏月水發來之甚早若遲之五六月間尤  
稱大便此寧不可借乎是在主計者貴有定議今計南海至  
北海地里尺丈約五萬四百尺作五大工分派每夫開一尺  
半百日計工共夫三萬三千六百名每日每人工價五分計  
銀一十六萬八千兩杓鑿筐繩價銀九百四十兩三錢九分  
建閘銀九千六百餘兩共計一十七萬八千五百四十兩有  
奇其他立壩撤水須用水車草木之費又當議處計夫一夫  
當用千長一百當用百總又五十人必用一夫頭須擇廉能  
才幹謹慎有身家者互相保結方爲妥當至若總督河工又

須假以重權嚴法督理方能服人乃五十人之工價總付  
頭支管其夫之勤惰工之的否責在夫頭百總千總亦然  
有作弊尅減夫價奏功不受者懲以重刑而千長百總夫  
工價又須酌而倍增焉勸以勞之所以示恩威也此非有身  
家有根脚者難以當此任而責成功任人者不可不加意於  
此

膠萊河停工考 海運膠州南海麻灣至北海海倉三百餘里

可避大洋二千里之險屢經勸議難開具述於左 隆慶五

年奉旨委多官查勘據萊州府知府濟南府同知青州府推

官掖縣知縣楊起元等揭稱親詣膠州麻灣等處南自龍家

萊州府志

卷一 山川

膠萊河

七

屯北至海倉一帶勘畢龍家屯四里三十步水淺不過三五  
寸每日潮至不能打壩斷水難施挑濬之工店口三里有大  
沽河橫冲帶沙淤塞河雖挑深遇沙塞前功盡棄韓家口六  
里二百四十步俱岡勾沙石此處難徹水不便挑濬趙家口  
起至杜家口止長十餘里水深一二尺河底俱係岡勾石且  
有大者若欲深鑿極爲費力杜家口至吳家閘三里餘係小  
沽河口橫冲細沙恐難壩治吳家閘至譚家西南口止共七  
里其間俱有淤沙岡石其沙皆係白河水帶來譚家西口至  
分水嶺共九里白河全無接濟旱則先乾澇則冲决富舖  
水嶺至楚家口十里多流沙楚家口至集墓灣五里有餘

○現河口夏秋雨多卽有大水帶沙入河冬春乾涸董家莊  
至陶家莊四里餘內有崗石一遇秋雨泊水湧入無雨則涸  
河家莊至秦家圖泊水沖開溝口數道雨則泛漲無雨則乾  
董無泉源引溝河底俱有沙石謝家口至玉皇廟十一里至  
於閘內沙石相半挑濬工費比之他處頗大謝家口至楊家  
○河岸水勢似有端緒說者謂新河可開或觸目於此耳楊  
○河至新河間而比之南面一帶雖似稍寬欲西引濬河但  
○河之濬引之無益况濬河地勢反下難以引入昌邑又居  
○河下流所當詳議新河閘至海倉流沙壅滿難以行舟挑  
○河極大新河係東省通衢凡經過見者起問此新河議  
○河

新河志

卷一

山川

膠萊河

六

開之端由於此耳量得濬河韓信壩口河中到東岸高三丈  
四尺若濬溝徹水必幾四丈迤東間有高阜處所將不止於  
四丈矣濬水難引委爲的確分水嶺口東南老地周圍開鑿  
三丈餘上層至岸堅土四尺中層岡石五尺以下四尺俱是  
鬆軟靡沙旋挑旋壞工役難施兩海通貫必深以六七丈始  
得兩平寬一十餘丈始免崩岸經費非百餘萬程限非六七  
年不能成也其功可輕言耶兩海開通尤屬謬論 萬曆三  
年尙書劉應節言新河自膠南淮子口大港頭出海西抵匡  
家莊約四十里岡勾黃土宜挑治自劉家莊北折擡頭河張  
營河至亭口閘約三十里黑泥下地宜挑治自亭口閘歷

家漕陳家口孫楮口至玉皇廟約六十里河寬水淺直從  
河旁開一渠自玉皇廟至楊家壩二十餘里水勢漸深約  
五六尺直量行疏濬自楊家壩以北悉通海潮無煩工矣以  
功力計之開鑿者什五通濬者什三量濬者什二以地勢論  
之濬深丈餘者什一濬深數尺者什九以水圭測之高下有  
準以錐探之上下皆無石事理甚明可開無疑上以爲然命  
侍郎徐栻益河撫按官會議栻既相視上言臣家莊地高難  
挑改從黃阜壑潮仍不通惟都泊爲水滙船路溝有行舟故  
道上流爲活膠諸河下流爲張魯諸水庶泉源可濬而河道

可成也必爲多建閘廣置水櫃築堤岸開月河設倉版備熟

東州府志

卷一 山川

膠萊河

七

船計年六批小批估費百萬詔旨切責謂栻故以難辭沽壞  
成事四年二月命應筭親往會勘應節曰新河地形如掌水  
勢成築壩黃阜嶺較便兩海口水俱深濶舟亦乘潮無阻南  
海口迤北十五里有積沙開船路溝廿三里直接麻灣以避  
之橫建一閘於新舊河水之交則潮水長流淨沙不入北海  
口迤南三十里鑿龍王廟者沙三里四十五步撈沙二尺下  
卽實土若旁闢一渠築堤五百餘丈約水障沙自無他患由  
廟前達新河開口其中一二淺阻並令挑深亦可無虞至王  
家郵船路溝一帶地勢趨下白河當其衝秋水暴漲最爲河  
害官岸口建閘一座上流建壩二座尋常水流壩下引以濟

河秩濶則水經壩上內以停沙亦爲善策

亭口南自麻灣抵朱舖通潮最易所慮者惟朱舖抵亭口四

十餘里耳蓋杖主引泉應節主通潮汝持議不合越引山東

巡撫都御史李世達上言潮汝有常大潮一及陳村閘楊家

圈耳曾未至朱舖亭口此潮汝難恃也自孫店口至新河口

紆曲二百里張魯白膠三水微細都泊行潦業已乾涸引泉

亦難恃也且黃河未至遽遷運道尙無大阻又海上多瘟疫

之災國帑乏贏餘之積元人開濬此河史臣謂其勞費不費

終無成功足爲前鑒於是御史商爲正給事中光懋王道成

等皆競疏請止遂召應節杖還京悉罷諸添設員役嗣是中

萊州府志

卷一 山川

膠萊河

字

書程守訓御史高舉顏思忠尙書陽一魁相繼奏皆不果行

崇正末山東巡撫都御史曾櫻力請修治給內帑十萬金

工未舉櫻陞任去河亦終不開國朝雍正三年八月尙書

朱軾奏請開山東膠萊河運道

詔內閣學士何國宗會同山東巡撫陳世倌詳看議奏何國宗

等覆稱陞任吏部尙書朱軾開具膠萊運河節畧內稱嘉

十一年御史方遠宜親歷海濱彙爲圖說上之疏曰淮河之

北岸一里名支家河安東縣至海州路也自支家河至漣河

海口共三百八十里旣出漣河口由海道歷贛榆至安東

衛師山東界由安東衙過石臼所靈山所夏河所遂至

驢頭營入麻灣口共二百八十里俱循海瑞而行一入麻灣口其中止有馬家灣爲陸路此則須以畚鍤開濬然口五里而近若得開通卽從把浪廟經平度州以至萊州所屬之海倉口俱小河共二百七十里自海倉口入大洋便直抵直沽口至天津衛凡泛海只四百里風順半日可達等語該臣等會看得淮水出清口與黃河合經安東縣城南東流入海方遠宜所稱支家河在淮河北岸固卽黃河之北岸也查安東縣誌書載縣西十五里有支家河今已淤塞無迹可尋土人亦鮮有知者惟有鹽河二道上自中河之鹽河開分運河之餘流至王營壩口分爲二支東爲中鹽河西爲西鹽河至安

萊州府志

卷一 山川

膠萊河

三

東縣北新安鎮合而爲一又東北復分爲二東流爲五丈河逕入海北流則會漣河至恬風渡入海現今淮北鹽船由此轉運自鹽河開至恬風渡出海口計程三百餘里應卽爲方遠宜所稱自支家河至漣河海口之故道也既出漣河口由海州歷贛榆縣境至山東安東衛雖係海道而大洋隔於雲臺鶯遊諸山之東實與河等自安東衛嵐頭山口始入海程經石口所夏河所靈山衛至淮子口亦俱沿海瑞而行自淮子口經靈浮兩山之間入麻灣口卽爲膠萊新河浮山之西有陳薛二島石礁林立甚爲險阻薛島之西十里許有平崗曰馬家濠南北幾五里元人鑿之遇石而罷明嘉靖十六年

海防副使王獻鑿開馬家濠石渠一千三百餘步直抵麻灣  
卽方遠宜所稱馬家灣也一入麻灣山把浪廟經膠州平度  
高密昌邑諸境至掖縣海倉口出海計程二百八十二里中  
分八閘距麻灣口二十里爲陳村閘又北三十里爲吳家口  
閘又三十里爲窩舖閘吳家口窩舖之閘地勢最高名分水  
嶺爲南北分流之脊窩舖閘以北二十五里爲亭口閘又三  
十里爲周家閘又三十里爲玉皇廟閘又三十里爲楊家閘  
閘又三十里爲新河閘又三十里爲海倉閘又二十七里至  
海口以上各閘俱創自元人至今沿河仍襲舊名而閘座皆  
湮廢查明時議開膠萊新河其說有二一則欲自分水嶺深

加開芑使河底與海口相平南北河口各建一壩每日潮方  
至時則開閘納潮船可乘潮而入潮將退時則閉閘蓄水船  
可通行而出一則欲自分水嶺開通河渠修復開座廣引來  
源設立水櫃按啟閉蓄洩之法以資輓運二說俱似近理今  
臣等細加測量分水嶺以南比麻灣口高二丈二尺以北比  
新河閘高一丈八尺八寸又將分水嶺試爲開芑雖有岡石  
糜沙尙可挑濬惟是南海口潮水止至陳村閘北海口潮水  
止至新河閘則兩潮之隔不相通者中有二百餘里若欲南  
北通流必須漸次開鑿深至二丈二三尺况朔望大潮深不  
過四五尺餘日小潮深不過三四尺潮落之後僅深一二尺

卽於河口建閘而欲引數尺隨長隨落之水通二百餘里

流恐不能濟且麻灣以南水底皆係石塊海倉以北一望壅沙故麻灣口海倉口雖可通潮而商船漁艇絕無停泊若欲

將海口一竝開濬而潮洑日至工力難施北通潮之不足恃

也再查分水嶺地當水脊所恃爲分水之源者僅平度州之

白河來源旣微又無泉流可引雨多則水漲噴沙雨少則全

河乾溢陳村閘下雖有沽尤河會流而其地已近麻灣順流

南下亦於運道無濟分水嶺北有膠河自膠州之鐵嶺山發

源流至高密縣東與五龍河張魯河陂水會至亭口閘下入

新河北流水源稍盛中有百脈湖地勢卑窪周圍百餘里若

萊州府志

卷一

山川

膠萊河

三

東堤蓄水以爲水櫃猶可開引使其南北分行然一河一湖

又無泉源輪助欲以濟二百八十餘里之運道勢必不能此

蓄洩之不足恃也考膠萊通運之議創自元人乃開之數年

而卽罷明時屢試而終不行良亦職此若夫由河達海更造

船隻以及開挖勞費不貲又其餘事自海倉抵直沽四百里

大洋風濤之險更難逆覩至於來往商船現惟泊於贛榆縣

之青口及膠州之淮子口要皆濱海水深之處不肯乘潮深

入恐致淺擱縱使開通膠河而海口淤淺如故難以通行亦

於客商無所裨益惟兩岸民田陂水俱藉此河宣洩今撫臣

照依陞任平度州州同溫文桂條奏以民力疏濬每人

給米一升已足通流洩水若轉漕通而勢所不饒似可無庸  
再議於雍正四年六月奏覆

永州府志

卷一

山川

膠萊河

一



五十四卷六頁奏覆

永州府志卷一山川膠萊河

往徐在洛陽訪昔賢遺址如香山洛社綠野平泉一一都

指其處未嘗不流連憑弔慨然想見其爲人及之萊見秦漢  
開古蹟尤多而康成之書帶草庸生之濯視泉鄉先生輒津  
津樂道之夫乃知山川景物之名實因人重羊太傅峴山數  
語最足發人深省也

報縣

過亭寒泥子澆封沙邱城縣東北二十里相傳商紂所築秦  
還報日已得之於沙邱即此後始皇東巡至海有方士獻不  
死草服之暴崩於沙邱史稱藏尸輻車載海魚以亂尸氣正  
其事也或以順德望海臺縣西北二十里蓋石縣北五十里  
之沙邱當之誤矣秦始皇東巡築臺臨大海有臺

萊州府志

卷一 古蹟

一

石方圓五步世傳秦始皇韓信書院縣東四十里聖水頭周  
鑿之以盛酒禮祈百神圍山勢峻坡有丹霞壁

三字相傳韓信所在城南門上武帝訪安期萬里沙祠  
書又有試劍石生幸此臺故名碑刻尚存

在萬歲河漢武帝當利城廢隋復置唐省今遺址尚存燕臺  
東巡大早禱於此廢

在城外東北里許南燕慕容德築鄭文公修道廬在大基山  
明副使馮時雍建海山亭於上有道昭刻

字及亭臺故址金劉雲峰可觀亦有剝落不能辨識者曲  
圍樞明胡濙有碑記

臺城在城北唐登瀛亭城東南隅唐府君碑在府治廳事前  
立額上大書大唐萊州刺史唐府君德政碑十二字其文俱

八分小字體法精嚴細辨之名貞休惜磨泐僅存五百餘字

楊霧溝縣西北十二里相傳宋太祖飲馬池城東七里俗傳  
避難於此有雲霧覆溝故名

受宣堂城東南隅道人其居築此蓮花池縣東南四里元字  
煉於此後人於其居築此

水石花木西由文廟縣北五十里元時膠萊運司創  
建翰林修撰傅夢弼爲記久廢

水石花木

西由文廟縣北五十里元時膠萊運司創建翰林修撰傅夢弼爲記久廢

文武山 兩山相峙相傳始皇之萊山始皇祀八神於東海

刻字不 攻卽墨城州東南六十里齊之舊邑戰國時田單

康王 樂毅城在卽墨故城旁世傳太子書堂州東北五十里

東王 太子讀書處古蓮池州北三里膠東下密城州西

漢宣帝 祠三戶山於下密卽康陵院州東五十里膠東

貧女臺 州東南六十里漢王氏女盧鄉城州西北五十里

置唐省 勞石口在天柱山之西麓一石龕如屋在東刻

入昌陽 州東北五十里列仙傳膠東公沙宿

入臺 飲白鶴泉得仙常遊石臺之止卽此

昌邑縣

萊州府志

卷一 古蹟

一 密鄉城 縣東南十五里春秋紀子伯子盟于密卽此水經注

漢宣祀 三戶山於下密卽故城西為濰水為縣西

密埠 又東為三戶山則密鄉似卽下密城矣

十里 左傳齊師遷紀於甘棠鄉漢屬北海國左傳襄公六年

卽此俗呼為瓦城 甘棠鄉漢屬北海國左傳襄公六年

冠 都昌城縣治西今城乃古城之東南一隅

里東 有于審埠今名三埠南有子游池今名蓮花

坡並見 襄宇記三埠者誌三賢遺跡但未詳所始

山下 都昌侯昌邑故城在縣西北宋置縣治地里志

朱軫 閩武處昌邑故城在縣西北宋置縣治地里志

無鄭 分鄉縣南一百二十里鄭公社漢屬北海郡高

孔融 破黃巾賊屯兵處遇仙園縣東南三十里金武畧將軍

劉長生過遂題今

濰縣

高臺 縣北六十里魯傳 樹亭 縣西南三十里平壽 北三十里夏侯割鄒氏園寒亭

棘皆血磯石尙存上有太公堂今廢地 營邱城 縣南三十里太公始封處城基尙存

十里漢置 麓臺 縣西南二十里漢 布袋直儀 題曰臨寧間畫

工崔白示予布袋直儀其筆清而 尤青妙乃過吳矣手書石刻今存

膠州

介根城 州西南五里左傳齊侯伐營 尤涉亭 州西南許斤城

也 介亭 州南七十里古介國也城名黔阪兩城夾水而立秦

始被城 州西南七十里亦介葛 迴車嶺 州西南十一里孔子

萊州府志

卷一 古蹟

趙長城 州南九十里齊宣王築乘嶺築長城 韓信道 州西南

信追田橫於即墨 古膠西城 在州西一百 蓋公堂 古膠西城

事蓋公避正堂以舍之宋蘇 膠西廢縣 州城外隋 石室 州南

高密縣

朱晏城 縣東南三十里 涼臺 縣西南五十里相傳 夷安城 縣

之邑漢置夷安縣 淳于城 縣南六十里 城陰城 縣西南四十

所築屯兵 稻城 縣西南五十里漢武帝封 高陽城 縣西北三十

並為高陽侯卽此 通德門 在稻城旁孔融為鄭元闕門

飯城縣南六十里故介國漢為黔陬縣舊土城縣西北二里相傳印高密故城唐置

印墨縣

東海釣臺縣北六十里沾水上相傳田單復相傳木公垂釣處舞旗埠齊建旗於土不其城縣東五十里漢

縣西南二十里漢置縣壯武城縣西六十里漢置縣屬膠東國臯虞城縣東五十里漢

建封粥熟城縣東南八里漢置邑本名汎鄉城康成書堂在不其山堂前有書帶章長尺許堅

韞異常霜湯掘泉相傳宋太祖過此湯甚用杖掘地得泉而飲今泉脈尚盛聚仙臺縣南

里相傳八仙渡海圍棋於此每起仙臺縣南七十里相傳有春至臺草先綠又謂之先春臺道士於此仙去故名

石人在陰山池旁長一丈五尺大十圍旁有馬跡世傳秦始皇遣此石人逐勞山不得遂立於此

萊州府志

卷一古蹟



石人... 春至臺草先綠... 湯掘泉... 康成書堂... 舞旗埠... 不其城... 臯虞城... 壯武城... 粥熟城... 釣臺... 飯城... 舊土城... 印墨縣... 東海... 萊州府志... 卷一古蹟... 四

